

Եւ ոչ աստեղքն է քեզ նման,
 Չի չերևին ի տուրնջեան.
 Բայց դու փայլես միշտ անսասան
 Լցեալ լուսով արփիական.
 Ի յայս միջի փորուածս որ կան,
 Ոչ որ գտայք ի ձեզ նման.
 Որ թէ զծաղկունքդ ասեմ նման՝
 Որ տերևով և պտղով կան,
 Այլ և սոքա ի դէմ աչնան
 Թափեն զտերևն և մերկանան:
 Ի յայս զգալեացըս տարրական
 Դասք արդարացն է ձեզ նման.
 Ծ սրանայ անապական

Պայծառ պտղով անմահական.
 Նոյնպէս և դու սեռ օրհնութեան
 Յաւէտ պտղով միշտ անժորան.
 Առատահոս գետոց նման
 Որ առգմամբ զաղդունըն տան.
 Այլ և աղբիւր ես անմահութեան,
 Արբիւր զբաժակն ուրախութեան.
 Սերովբէիցն ես դու նման,
 Քերովբէիցն ասեմ պարծան:
 Չձեզ ինչ գովեմք մեք աննման
 Տէր Միքայել կաթողիկոս, հայր պա-
 տուական:

Եւ ընդ կատար գովասանութեանս՝ աստուածային սիրով հարցումն ի մօ-
 տակայ հեռաստանէ, ամենիմաստ, հաւատարիմ, բարեպաշտ, աստուածասէր
 և երկիւղած, բարեմիտ և հոգիւնկալ, հեգաչոգի և առաքինի, բազմաց ցան-
 կալի և մեզ յոյժ ըզձալի, հոգոցս բաղձալի և սրտէ սիրելի, հոգևոր հայր
 մեր բարի: Իլախաց երկրիս Իլով քաղաքիս հավասար քահանայք և երես-
 փոխանք և ժողովուրդք, հարուստ և ռամիկ, այր և կին: Մեք անարժան հնա-
 զանդ ծառայքս մեզօք ի լի և պարտապան բիւր քանքարի, չեմք արժանի զքեզ
 գովելոյ, քանդի և չեմք հմուտ բանի. այլ զսէր սրտիս մերոյ փոքր ի շա-
 տէ իմաց լինի: Զսակաւ զիրս զրեցաք, զի յիշեցես դու ի բարի. և հար-
 ցումն ի խորոց սրտէ բազմատենչ բաղձանօք և անձկատուչոր սրտիւ. ի մայր
 մածուցմամբ երկրպագութիւն և համբոյր մատուցանեմք, և ձեր գարշապա-
 րացդ գլուխ ի գետին դնեմք. թէ, ո՞րպէս կեսք ի բերմանց կենցաղոյս և ի
 վշտաշատ ժամանակէս. և հայցեմք յԱստուծոյ որ հանապաղ վասն ձեր մեզ
 բարիս լսել. բայց թէպէտ մարմնով հեռի եմք ի ձէնը, այլ հոգով մերձ եմք:
 Եւ թէ խոնարհիք ի ձեր բարձրութենէդ ի մեր նուաստութիւնս հարցման
 աղազաւ, ըստ բնածին բարուց ձերոց զոր ունիք առ հոգևոր որդիքդ, մինչ
 ի հասեալ ժամս՝ լաւ կամք, սուղջ մարմնով և տարտամ հոգով. և առաջի-
 կայն Աստուծոյ եմք անձին և ձեր սուրբ երկնաբացիկ աղօթիցդ. յուսամք
 յապէնիազն Աստուած, որ ողջ և բարով և խաղաղութեամբ կենայք ի պար-
 ծանս մեր և ի յամօթ ամենայն ներհակաց. ամէն:

Եւ ընդ դուզնաքեայ նամակիս ծանուցումն լիցի վեհ իմաստութեանդ քո,
 հոգևոր հայր մեր, Տէր Միքայել կաթողիկոս ամենայն Հայաստանեայց ազ-
 գիս, որ յուղարկած նվիրակն Յամթեցի Տէր Մարտիրոս եպիսկոպոս՝ ծաղ-
 կաւէտ կնքեալ շուրջաբերականաւ և սրբալոյս մեռոնաւ հասաւ Իլով քա-
 ղաքս, առ վարատեալ ազգս հայոց, որ եմք ի հայրենական դաւառէ որոշեալ
 և ի մէջ այլասեռ ազանց բնակեալ. և ըստ հայրենական աւանդութեան մե-